



Universiteti i Prishtinës “Hasan Prishtina”, Fakulteti Juridik

Departamenti: E Drejta Financiare

Tema: *Tatimi në të Ardhura të Korporatave në Shtete Ballkanike – Konkurrenca Tatimore dhe Harmonizimi Tatimor në Bashkimin Evropian – Aspekte Krahasuese*

Mentor: *Prof.Dr. Bedri PEÇI*

Kandidati: *Edon UKA*

ABSTRAKT

Debati publik në fushën juridiko-financiare, me të drejtë, ka në fokus Tatimet, si një ndër burimet fundamentale për të ardhurat shtetërore, si dhe integrimin e ekonomive nacionale në një treg më të gjerë, duke qenë se epoka e globalizimit tashmë ka filluar.

Secili lloj i tatimit ka rëndësinë e vet, mirëpo ai që po vazhdon ta bëjë “zhurmën” më të madhe është Tatimi në të Ardhurat e Korporatave, kjo për shkak të të gjitha efekteve që po prodhon, qofshin ato përfitime apo të meta, e pastaj edhe për shkak të aktualitetit dhe ndikimit të tij edhe jashtë kufijve nacional të shteteve që e aplikojnë atë.

Megjithëse mund të tingëllojë si shumë i thjeshtë, Tatimi në të Ardhurat e Korporatave është një ndër instrumentet më të komplikuar, ndikimi i të cilit ka shtrirje në thuajse të gjitha segmentet e ekonomisë botërore, si p.sh në ekonomitë nacionale, tregtinë ndërkombëtare, tregun e vetëm të BE-së, harmonizimin tatimor, konkurrencën tatimore, dhe jo vetëm.

Tatimi në të Ardhurat e Korporatave është një ndër arsytet se pse harmonizimi i plotë tatimor nuk po arrihet, por edhe një ndër arsytet kryesore se pse konkurrenca tatimore ekziston.

Kjo lidhshmëri midis gjithë këtyre elementeve të lartpërmendura është tejet karakteristike, sepse çdo hap i ndërmarrë për njërin nga to, do të kishte ndikim në tjetrën.

Raporti i konkurrencës tatimore kundrejt harmonizimit tatimor është shumë kompleks, duke qenë se shumë veprime që konsiderohen të dëmshme lidhur me konkurrencën tatimore, do të konsideroheshin të dobishme lidhur me harmonizimin tatimor, dhe anasjelltas.

Pastaj, harmonizimi i tatimeve do të thotë bashkëpunim, ndërkohë që konkurrenca tatimore është mos-koordinim - Të dyja këto, shumë të kundërta me njëra tjetrën, por megjithatë, të dyja nga to mbeten prioritet i Bashkimit Evropian.

Fjalët kyçe: *TAK, shtetet ballkanike, konkurrenca, harmonizimi, Bashkimi Evropian.*